

# 靓声唱响广府文化

麦子杰

被誉为“声音贵族”的广州歌手麦子杰，将在2023年1月8日于珠江游轮珠水印象号上，举行具有岭南文化底蕴的麦杰音乐会。致力于推广大湾区文化，希望用自己歌声，将广府文化与旅游产业做结合，所以今次他选择孕育在广州人珠江上开唱，在星空下唱响南粤声韵。

郭玮/文 陈祉伶、受访者提供/图



无惧挑战 keep住young

坚持追求好音乐，麦子杰觉得现场live show，係自己同歌迷共享音乐时光，一场party。近年来，他开始接触直播，更直接接收到歌迷们反馈，但亦都有咗更多时间细心打磨自己作品。麦子杰觉得呢个世界公平嘅，虽然自己可能唔似年轻人咁有冲劲，但走过岁月并不会白走，令依家嘅他有足够的经验同信心，也好愿意同人分享，在面对新挑战时候，但也可以抱enjoy嘅心态去面对。接下来，麦子杰计划自己创作作品，融入更多广府“非遗”、岭南文化元素，希望更多人可以咗佢嘅音乐作品中，感受到生活嘅美好。

传承广东歌系音乐使命

作为最早一批签约宝丽金唱片公司内地歌手，麦子杰一直都觉得传承广东歌，係自己作为本土歌手嘅音乐使命。喺佢嘅音乐作品中，我哋可以感受到丰富多彩嘅广府文化元素：《源头》係讲佢细细个喺老西关长大嘅故事，《鹅潭荡舟》记低咗荔湾白鹅潭的历史，《西厢记》中mix嘅粤曲，都係佢近期嘅心水之作……佢的歌声中，饱含佢对粤文化嘅坚守与信念。2019年，麦子杰喺一个花园中举行过一次户外音乐会，沉浸式音乐体验令到歌迷意犹未尽，但自己亦念念不忘。时隔3年，佢准备喺珠江上，为大家送上全新版本嘅live show，用自己嘅歌声作为对新时代嘅礼物。



## Color 采编幕后之 ball 场花臣多

今期Color采编幕后，可乐君带大家玩转花臣多嘅“ball”！先去绿茵场上睇番场热血沸腾嘅“世界波”；再整理对独一无二嘅另类波鞋，型爆成条街；最后，仲有精心策划嘅美丽Ball场，包你大饱眼福！

郭玮/文 陈祉伶/图



大力神“水”

后生仔嘅想象力真係无限大！呢段时间，世界杯呢场体育盛事踢到全城沸腾，可乐君亦邀请到两位“足球小子”，加盟我哋嘅粤语课堂。1号球员一上场，就捧起个应景嘅足球，2号球员居然係举起咗个水桶？原来佢係想我哋睇睇强大后期，帮佢P翻个“大力神杯”，识得揸道具借位，呢位哥仔转数真係够快嘅！



自定义波鞋

潮流不被定义，最中意搞搞震嘅可乐君，就最擅长刷新潮流！有嘅嘢我哋自己可以整，中意嘅配色当然都要自己话事。今期DIY我们走环保路线，将鞋盒变翻做鞋仔，仲出动专业技过硬嘅美编小姐姐，为佢涂上颜色，最个性。至Color嘅波鞋就喺今期版面，期待成品嘅你快啲翻开内页！



美丽“冻”人

前有电视剧《美丽战场》掀热话，后有TVB万千星辉颁奖典礼举办在即，紧跟潮流嘅Color梗係要将呢啲热点全部玩齐！小伙伴们将着件礼服饮衫装起一身战斗格，摆个pose都睇得下人，奈何最近广州气温跳崖式骤降，靓模特要风度嘅同时，都偷偷储备起少少温度，礼服搭牛仔裤波鞋，绝对係最“冻”人嘅ball场look啦。

策划:骆幸、曾敏妍  
统筹:曾敏妍、郭玮  
执行:郭玮、陈祉伶、  
黄蕾、秦丽莹



## Color 缤纷颁奖典礼

话咁快，2022年即将过去啦，你哋年头写落嘅年度计划，完成进度到达标未啊？今年，Color团队继续奔走于各种潮流角落，搜罗各类新奇趣嘅好玩资讯，顺利顺利又陪住大家大咗一岁啦。趁住年底，等Color都搞番个颁奖典礼热闹下先！

陈祉伶/文 陈祉伶、影视剧照/图  
郭玮、黄蕾、黄芷晴、秦丽莹/模特

影视作品好吊噏

每期可乐报都设有“煲剧”“搜影”等栏目，策划大家最感兴趣嘅主题，等读者朋友第一时间get到各种最新鲜嘅影视资讯。今期颁奖礼，同样为大家搜罗咗一部分最有睇头嘅电影、电视剧以及综艺节目。有斋睇预告片就让人充满期待嘅合拍剧，又有正能量爆棚嘅年度压轴电影，仲有大玩新花臣嘅港味综艺，每一部都好有惊喜，吊足观众瘾噏。



明星老友逐个数

有密密关注开可乐报嘅朋友仔，就知道我哋今年又扩大咗个“豪华朋友圈”啦！过去一年里，可乐报嘅“含星量”节节攀升，有越来越多明星艺人到Color大本营作客，仲同我哋在各种高质量品牌活动中，进行咗好多唔同类型嘅深度合作。其中，有好多朋友仔嘅贡献咗好多“第一次”添：解锁新技能、初尝百年名菜……今次颁奖典礼，Color都为呢班明星老友颁番个奖项，感谢佢哋对Color一直嘅支持。



珍藏道具大晒冷

为咗给读者朋友更出彩嘅视觉呈现，可乐君除咗要挖空心思搵鬼嘅报道题材，在图片素材嘅拍摄上，也好落功夫噏。我哋会自行DIY制作道具，或者就地取材，用无厘头嘅物件拍出最好玩嘅相片，所以都陆陆续续收藏咗好多趣怪嘅拍摄道具。难得办次颁奖礼，当然都要晒一晒呢啲珍藏功与名嘅“老拍档”啦。



玩乐地精选推介

想知边度有最值得打卡嘅玩乐地？跟紧识玩识食嘅Color就实冇错！今年，可乐君带大家去到广州城东南西北各个角落，搵到咗好多靓有亮点嘅宝藏打卡点，等大家唔使出远门，都能收获不重样嘅充实旅程。趁住今期颁奖礼，我哋都精选出几个最值得推介嘅好去处，让大家一次过get到潮玩广州嘅FUN攻略。

